

تاریخ عثمانی انجمنی

مجموعہ سی

ایک آیدہ برنشر اولتور

مندرجات

منظوم بر سفارتنامہ عبدالرحمن شرف
 علمدار مصطفیٰ پاشا (مابعد) افضل الدین
 دکزلی (لادیق) امارق احمد توحید
 اوچنچی سلطان مراد ک انکترہ قرالچہ سی الزابنہ برنامہ سی صفوت
 قرہ مان اوغللری حقندہ و نائق محکوکہ (مابعد) خلیل ادم
 سینام بکلی احمد توحید
 تفرقہ : قانوننامہ آل عثمان عارف
 تاریخ سلطان محمد خان ثانی بہ عائد عجائی فہرست

فیثائی و غروش

مرجی — باب عالی تاریخ عثمانی انجمنی

استانبول

انجمن عثمانی

طبعیت شمس الدین

۱۳۳۰

سیسام بکری

سیسام بکی قوپاسی افدینک اخیراً برخائن طرفدن قتل مؤسفی وقوعه کلمه سنه بناءً سیسام بکلکی ایله بکری حقنده معلومات مجمله اعطاسی مناسب کورولدی .

سیسام استانبول فتحنی متعاقب ۸۵۷ (۱۴۵۳) تاریخده ممالک عثمانیه عدادینه داخل اولمشر . جزیره اهاالیسی هر نه سیه مبنی ایسه کیت کیده ازالمش وهان همان ایصسر برحاله کلش ایدی . ۹۵۷ سنه هجریه سنه مصادف بیک بش یوز اللی سنه سنده مالکانه اوله رق قلیچ علی پاشایه ویرلمکه مشارالیه دیگر جزیره لردن واطه لر دکزی سواحلدن اهاالی جلب واسکان ایله اعمار وواقفی تنظیم ایله دی . بلا وارث وفات ایتمکه مالکانه مذکورینه املاک امیرییه میانسه داخل اولدی .

دیگر جزیره لر کبی بواطه ده قبودان دریالغه مربوط اولدینی آزاده اریابدر . ویرکوسنک از لنی واهالینک کیجیلک و تجارتده مهارتی ایله نفوسی تکثر ایش و صنعت و تجارتدنه رفاهیت وجود بولمش در .

اولیاچلی سیاحتنامه سنده سیسامده جزئی مقدار اسلام وجامع شریف بولودینی محرردر . موره اختلالنده سیساملیلر نائل اولدقلری رفاهیت وراحتک قدرینی بیلمیه رک عصیانه اشتراک ایشملر وعددلری پک آز اولان مسلمانلری ده قتل عام ایله مشلردر . (تفصیلاتی ارزو ایدنلر جودت ولطفی تاریخارینه مراجعت بیورسونلر) .

یوتانبستانک تشکلی اوزرینه سیسام جزیره سنده تابعیت دولت علیه ده ویرکو ورر برایالت ممتازه تشکیل انکلتزه ، فرانسه ، روسیه دولتلری طرفلرندن مصرأ طلب ایدلمکه بالضرور موافقت ایدلش و ۱۲۴۷

(۱۸۳۲) تاریخی خط‌هایونی ایله سلطان محمود خان ثانی جزیره اهلینسه عفو عمومی احسان ایشلر ایدی . باب‌عالی رسمی برنوطه ایله (۱۷ رجب‌سنه ۱۲۴۷ ، ۱۰ کانون‌اول‌سنه ۱۸۳۲) دول ثلاثه مذکورده سراسه بیلدیردی . آنجیق بک‌لکک تشکیلات اداره‌سی ۱۲۴۹ (۱۸۳۵) سنه قدر تأخر ایدی .

۱ — استفانی و وگوریدیس (Etienne Vogoridis) ایلك بکدر تاریخ تعیینی اوائل جمادی‌الاولی سنه ۱۲۴۹ در . مشارالیه بک‌لکی طول مدت دوام ایشلر ایشده سیسامه وکیل کوندروب کندیبی استانبولده قالمشدر ۱۲۶۳ تاریخنده نشر اولونان ایلك سالنامه‌ده مستشار پایه‌لو اولدینی مذکوردر .

۲ — (آلساندر) قالمی‌کی (Alexandre Callimachis) ۱۲۶۷ سالنامه‌سنده قلم‌ا که بک و ۱۲۶۸ و ۱۲۶۹ سالنامه‌لرنده قلمی‌کی بک و قالمی‌کی بک املارلیه مضبوطدر . تعیینی تاریخی اوائل ذی‌القعدة سنه ۱۲۶۷ در .

اصول اداره حاضره مشارالیه قائم‌قامی اولوب اواخردی‌القعدة سنه ۱۲۶۸ تاریخی فرمان ایله تعیین اولونان یورکی قونه‌مه‌نوس بک طرفدن وضع ایدلش و بک‌لک کندیسنه تکلیف اولوندینی حالده قبول ائتمشدر .

۳ — یانی‌کیغه‌بک (Jean Ghieas) اواخرجادی‌الاکرسنه ۱۲۷۰ تاریخی فرمان عالی ایله اولاً قائم‌قام تعیین ایدلش و اواخرجادی‌الاکر سنه ۱۲۷۲ تاریخی فرمان عالی ایله اصالتی اجرا قلمشدر .

۴ — ملتیدی‌بک (Miltiade Aristarchis) ملتیدی آریستارکی ۱۲۷۵ رمضان تاریخی فرمان عالیله قائم‌قام تعیین ایدلش و واسط ربیع‌الاکر سنه ۱۲۷۶ تاریخنده اصالتی اجرا قلمشدر .

- ۵ — پاولا کی بك (پاولا کی موزوروس Paul Musurus)
 ۱۱ شعبان سنہ ۱۲۸۰ تاریخندہ نصب ایدلشدر .
- ۶ — قسطا کی پاشا (Constantin Adossidis) ۸ شعبان
 سنہ ۱۲۹۰
- ۷ — فوتیادی بك (Constantin Phodiadis) ۲۵ ربیع -
 الاخر سنہ ۱۲۹۱
- ۸ — ثانیہ قسطا کی پاشا ۲۷ صفر سنہ ۱۲۹۶
- ۹ — علکساندر قرہ طودوری پاشا ۱۱ شعبان سنہ ۱۳۰۲
- ۱۰ — جورجی پاشا (جورجی وروویج Georges Verovitch)
 ۵ رجب سنہ ۱۳۱۲ تعیین ایدلای . بعدہ کرید والیسی اولش ایدی .
 بالاخیار مأموریتی ترکله فرارایتمشدر . وندیکده اقامت ایتمکدهدر .
- ۱۱ — موزوروس بك (Etienne Musurus) ۲۰ محرم
 سنہ ۱۳۱۴
- ۱۲ — قسطا کی افندی (قسطنطن وایانی Constantin Vayannis)
 ۲۵ شوال سنہ ۱۳۱۶ عدلیہ مستشار لغندن متقاعددر . دارالفنون حقوق
 قسمی معلمارندندر .
- ۱۳ — میخالا کی افندی (میخائیل غره غور یادیس Michel
 Gregoriadis) ۲۱ ربیع الاخر سنہ ۱۳۱۹
- ۱۴ — علکساندر ماوروینی بك (Alexandre Mavroyenis)
 ۹ ذی الحجہ سنہ ۱۳۱۹
- ۱۵ — یاتقو ویطینوس افندی ۲۳ صفر سنہ ۱۳۲۲
- ۱۶ — قسطنطن قرہ ثودوری افندی ۱۱ جمادی الاخر سنہ ۱۳۲۴
- ۱۷ — یورکیادیس افندی ۱۹ رجب سنہ ۱۳۲۵
- ۱۸ — اندریا قوباسی افندی ۲۱ ذی القعدہ سنہ ۱۳۲۵ ده تعیین
 ایدلش ایدی . ۳ ربیع الاخر ۱۳۳۰ ده (۹ مارت سنہ ۱۳۲۸) قتل اولوندی .

۱۹ — وغلری افندی

تاریخ تعیینی ۶ ربیع الآخر سنه ۱۳۳۰ و ۱۲ و ۲۵ مارت ۱۳۲۸ و ۱۹۱۲

سیسام ویرکوسی

سیسام ویرکوسی اساساً درت یوز بیک غروش اولق اوزره تعیین اولونمش ایدی که بو مبلغدن اون بش بیک غروشی ترسانه خزینه‌سنه هاند سلاح بدلی و یوز بر بیک غروشی مرحوم قلیچ علی پاشا وقفی مالی و اوتوز بیک غروشی زجریه بدل مقطوعی و اوچ بیک سکزیوز غروشی اغنام بدلی و یتیم اوچ بیک غروشی جزیه مالی و یوز یتیم یدی بیک ایکی یوز غروشی تکالیف بدلی ایدی .

۱۲۸۴ سنه‌سندن اعتباراً یوز بیک غروشک جزیره‌ده مکتب و یوللر تعمیر و انشا و سایر اصلاحاته صرف قلنمق شرطیله محلنه مأذونیت ویرلمشدر . اشبو یوز بیک غروشدن ۱۳۰۴ و ۱۳۰۶ و ۱۳۱۸ و ۱۳۲۰ سنه‌لرنده تنقیحات اجرا ایدیلرک قرق یدی بیک اوچ یوز طقسان الی غروش قللشدر .

اهالینک استدعاسیله ۱۳ صفر سنه ۱۲۹۶ تاریخنده ویرکونک یوز بیک غروشک تنزیلنه مجلس وکلا قراریله اراده تعلق ایتمشدر . [دستور جلد رابع صحیفه ۸۰۳] .

الیوم سیسام ویرکوسی اوچ یوز بیک غروشدر . بومبلغدن بروجه بالاحلنه ترک ایدلش اولان ۴۷۳۹۶ غروشی داخلیه نظارتک مصارف موازنه‌سک التتجی فصلنک یدنجی ماده‌سنده مقیددر .

احمد توحید

